



Broj: 2-116/23
SARAJEVO, 15.09.2023. godine

PREDMET: Stipendiranje putem otkupa stolnih kalendara „Djeca svijeta“,-

Uvažena/i,

pozivamo Vas da, otkupom stolnih kalendara - „Djeca svijeta“, učestvujete u stipendiranju djece i mladih iz porodica ratnih vojnih invalida i demobilisanih boraca, talentovane djece i mladih, djece i mladih sa invaliditetom, djece i mladih romske i drugih nacionalnih manjina, kao i onih u stanju socijalne potrebe u školskoj 2023/2024. godini. To bi bio prigodan poklon Vašim poslovnim partnerima i radnom osoblju u kompaniji/instituciji/ustanovi koju vodite.

Udruženje „Obrazovanje gradi Bosnu i Hercegovinu – Jovan Divjak“, u cilju prikupljanja sredstava za stipendiranje djece i mladih, odštamalo je stolne kalendare (format 21x14,5 cm) čijom prodajom ima za cilj da obezbijedi 30 stipendija. U saradnji sa Damirom Šagoljem, svjetski renomiranim fotografom, dobitnikom Pulitzerove nagrade, kalendar će krasiti 12 fotografija djece iz cijelog svijeta sa njihovim pričama, biografija ovog poznatog novinara, te informacije o radu Udruženja (na bosanskom i engleskom jeziku). Kalendar možete pogledati i na našoj web stranici www.ogbh.com.ba. Cijena jednog stolnog kalendara iznosi 6,00 KM (5,13 KM bez uključenog PDV-a).

Vjerujemo kako Vam je poznato da Udruženje „Obrazovanje gradi Bosnu i Hercegovinu - Jovan Divjak“ od 1994. godine kao nevladina, neprofitna i nestranačka organizacija ostvaruje misiju - djeca žrtava rata-naša trajna briga, te pruža moralnu i materijalnu podršku učenicima i studentima da, putem kvalitetnog i potpunog obrazovanja, postanu korisni članovi BH društva.

U dvadeset i devet godina rada Udruženje je podijelilo 8.168 godišnjih stipendija djeci i mladima u ukupnoj vrijednosti 7.442.625 KM. Istovremeno, njih više od 4.600 učestvovalo je u edukacijskim projektima te boravilo u 18 evropskih država, Kanadi i Urugvaju, te na Boračkom jezeru. Toj populaciji podijelili smo školski pribor, sportsku opremu, odjeću, obuću, hranu i pružili psihosocijalnu podršku u vrijednosti 5.436.208,85 KM. U dvadeset i dvije škole širom Bosne i Hercegovine donirali smo školska i sportska pomagala, keramičke table, informatičku opremu, knjige školskim bibliotekama te uradili obnovu školskih zgrada i sportskih dvorana u ukupnoj vrijednosti 420.580 KM. U dosadašnjem radu Udruženja, **60.630 djece, mladih i njihovih porodica** koristilo je naše usluge u vrijednosti **13.683.452,85 KM**.

Uvažena/i, pozivamo Vas da:

- otkupite određen broj stolnih kalendara „Djeca svijeta“;
- lobirate kod partnera da otkupe odgovarajući broj stolnih kalendara i na taj način učestvuju u stipendiranju djece i mladih u Bosni i Hercegovini.

Ukoliko se odlučite za otkup više od 50 stolnih kalendara, na podložnom kartonu možemo štampati podatke o Vašoj kompaniji/instituciji/ustanovi (logo, adresa, telefon). Tada pojedinačna cijena kalendara iznosi 5,39 KM bez uključenog PDV-a.

Poštovana/i, u očekivanju pozitivnog odgovora, unaprijed Vam se zahvaljujem u ime Udruženja „Obrazovanje gradi Bosnu i Hercegovinu – Jovan Divjak“ i osobno ime, te Vam upućujem želje za dalje uspjehe na profesionalnom planu, dobro zdravlje i ličnu sreću.

S poštovanjem,



IZVRŠNI DIREKTOR
Edin Bećarević